

奉天通志卷二百十四

人物四十二 藝術

藝術

經云形而上者謂之道形而下者謂之器又曰藝成而下論者遂以藝術為末節殊不知大學言格致周官記考工大司徒以六藝教國子是藝術者大之所以經緯三才裁成庶務小之亦可以一藝成名萬民利用曷可少哉奉省專精藝術之人誠不數觀而若書畫若測算術理若星象醫卜各隨其性之所近精研之以蘄於成者亦正有人在爰志藝術

漢

曹元理

殷馵

王景

奉天通志

卷二百十四

人物四十二 藝術

一

前燕

晁崇

高詡

後魏

閔宗

遼

蕭達魯

耶律達勒達

耶律達魯

呼拉布

耶律伊伯格勒

金

持嘉君實

持嘉希曾

清

張倫

張應魁

耿昭忠

申奇猷

曹宜

朱倫瀚

佟世晉

高其佩

子敬倬

孫秉歲

卞三畏

卞永譽

唐英

年王臣

年英

于宗瑛

董茂泰

楚裳

曹霑

甘士調

劉淳

楊銓

楊書績

秀琨

關岱

張九思

戴梓

顧綜

明安圖

明新

博啓

年希堯

張恆春

綽爾濟

覺羅伊桑阿

魯瑞

王思泰

蔡長恩

李國泰

和素

陳良玉

朱自揚

郭廷禧

蔡登瀛

矯晨熇

孫桂堯

漢

奉天通志

卷二百十四

人物四十二 藝術

二

曹元理 立菟人漢成帝時明於算術嘗從友人陳廣漢計困米

以食箸十餘轉卽得其所不差圭合廚俎肴藪皆悉知其所其

術後傳南季南季傳項瑄項瑄傳子陸皆爲其分數而失立妙

焉

殷馗 遼東人精天文漢桓帝時有黃星見於宋楚之分馗言後

五十年當有真人起於梁沛間其鋒不可當及魏武破袁紹冀

州諸郡多舉城降正五十年

盛京通志

王景 字仲通閔之子少學易遂廣闕衆書又好天文術數顯宗

時詔與將作謁者王吳共修浚儀渠乃不復爲害漢明帝永平

十二年議修沛渠問理水形便景陳其利害應對敏給帝賜景

山海經河渠書禹貢圖發卒數十萬遣景與王吳治渠隄起滎

陽東至千乘海口千餘里鑿山截澗防遏衝要十里立一水門令更相迴注隄成遷御史章帝建初七年除徐州刺史時論遷都還長安景乃作金人論頌洛邑之美明年遷廬江太守先是百姓不知牛耕郡界有楚孫叔敖所起芍陂稻田景至乃驅率吏民修起蕪廢教用犂耕由是墾闢多倍境內豐給又訓令蠶織爲作法制初景以六經所載皆有卜筮而衆書錯糅吉凶相反乃參稽衆家數術文書家宅禁忌堪輿日相之屬適於事用者集於大衍元基云

盛京通志

前燕

晁崇 字子業遼東襄平人也家世史官初爲慕容垂太史郎從太祖平中原拜太史令詔崇造渾儀遷中書侍郎令如故後賜

奉天通志

卷二百十四

人物四十二 藝術 漢 前燕 後魏

三

死崇所造儀以鐵爲之其規有六其外四規常定一象地形二象赤道其餘象二極其內二規可以運轉用合八尺之管以窺星度後周武帝平齊得之至隋唐尙存

魏 隋書 北史 藝術 傳

高詡 遼東人善天文有權略永嘉之亂避地隱居建武初慕容廆收攬豪傑詡杖策見之曰霸王之資非義不濟今晉室雖微人心猶附宜遣使江東示有所遵廆卽遣長使王濟浮海詣建康勸進後廆承制以詡爲郎中令及毓嗣進詡立菟太守毓破慕容仁復遼東欲盡坑其民詡諫止之毓又謀代宇文逸豆歸詡諫曰必克但不利於將及進戰克之詡中流矢卒

十六國春秋 燕錄

後魏

閔宗 遼東人善占候高颺時居東裔生孝文昭皇后幼時恆夢

在堂內立而日光自窗中照之灼灼而熱避之不得如是數夕以白其父颺颺以問宗宗曰此奇徵也日者人君之德帝王之象光照女身必有恩命及之避猶照者主上來求女不獲已也此女必將被帝命誕育人君後果入掖庭生世宗

盛京通志 伎

遼 蕭達魯 太和宮分人素精於醫人有病觀其形色即知病原所在由是世為醫官其孫呼都克精於騎射

耶律達勒達 字海蘭善騎射尤神於醫視人疾若隔紗觀物莫不見太祖患心痛問之對曰膏肓有淤血如彈丸非藥所及必鍼而後愈從之嘔出淤血遂愈

耶律達魯 精醫能察形色即知病原雖不診候有十全功官至奉天通志 卷二百十四

人物四十二 藝術 後魏 遼

四

節度使樞密耶律色珍妻有沈疴達魯視之曰胸有蓄熱非藥石所及當以意療聒使狂以泄其毒則可於是大擊鉦鼓於前果狂怒叫罵力竭而愈其治法類如此

盛京通志

呼拉布 善卜常為耶律庶成卜曰官止林牙因妻獲罪後果官林牙為妻呼都克所誣奪官使吐蕃十二年清寧間歸仍為林

牙

上同

耶律伊伯格勒 好學尤精堪輿卜筮不樂仕進有卜葬地者曰後三日有牛乘人逐牛過者即啟土至期果有一人負乳犢引犝牛而過者遂啟土既葬吉凶盡如其言嘗為失鷹者占曰汝家東北三十里灤西榆上求之果得

上同

金

持嘉君實 女真人善畫竹學劉自然頗有意趣 畫史要

持嘉希曾 肅慎貴族讀書善繪事工墨菊筆間有新意尤精於

鼓琴 盛京通志

清

張倫 張應魁 皆畫師天聰九年畫太祖實錄圖成賞倫人戶一

牛一應魁人戶一 錄實

耿昭忠 字在良號信公漢軍正黃旗人由山東徙遼東蓋州繼

茂次子以多羅額駙晉太子太保諡勤僖徐乾學撰墓志云雅

擅文章工藝事旁及書法繪事琴弈簫筑醫筮之類往往精詣

八旗畫錄

申奇猷 字秩公遼東人官知縣善山水繪鏡軒讀畫記云秩公

奉天通志 卷二百十四 人物四十二 藝術 五

山水多乾筆意境孤高可稱逸品 八旗畫錄

曹宜 字子猷號筠石漢軍正白旗人寅弟善畫閣潛邱有詩贈

之亦見其兄寅所著棟亭集及翁方綱復初齋集子頎亦善畫

八旗畫錄

朱倫瀚 字涵齋明宗室入清隸漢軍正紅旗康熙壬辰武進士

官侍衛以書畫兼直武英殿養心殿歷擢副都統署侍郎有閒

青堂疏二卷詩十卷四歲時以煤塗壁肖鬼神鳥獸像見者驚

異清聖祖嘗書其所畫扇賜朝鮮國王王復請於朝具厚幣乞

畫倫瀚善指畫得其舅氏高且園法一邱一壑雖奇自正設色

沖淡而氣厚清代指畫甚衆論者以倫瀚為最優 八旗畫錄

佟世晉 字康侯襄平人善山水多黃大癡高房山法布置鄭重

墨暈淋漓饒有氣概蝦蟹亦佳八旗畫錄

高其佩子敬孫秉歲李世倬字章之號且園奉天遼陽人

隸籍漢軍父殉耿藩之難其佩以蔭官至戶部侍郎畫有奇致人物山水並蒼渾沈厚衣紋如草篆一袖數折尤善指畫嘗畫黃初平叱石成羊或已成或未成或將成而未離石風趣橫生畫龍虎皆極其態世既重其指墨晚年以便於揮洒遂不復用筆其畫筆之佳幾無人知之雍正十二年卒子敬孫秉歲皆能畫甥李世倬朱倫瀚皆從學畫世倬字漢章總督如龍子官至右通政少至江南從王翬游得其傳後官山西觀吳道子水陸道場圖悟人物之法花鳥寫生得其佩指墨趣易以筆運各名一家其佩邱壑奇而正色淡味厚喜作巨幀元氣淋漓指上生

奉天通志 卷二百十四人物四十二 藝術 六

有肉錐故作人物鬚眉尤有神出於天授其後傳其佩法者有傅雯字凱亭廣寧布衣隸籍漢軍爲諸王邸客京師多其遺迹又有瑛寶字夢禪滿洲人大學士永貴子以疾辭蔭不仕詩畫自娛指墨以簡貴勝深自矜許清史藝術三

卞三畏 字仲華蓋州人隸籍漢軍由舉人揀選知縣續圖繪寶鑑云官途所至兩袖清風政治餘暇怡情翰墨寫山水得湍瀨潺湲煙霞縹緲之致八旗畫錄

卞永譽 字合之號仙客三畏從子官刑部侍郎工畫能書精鑑別著式堂書畫彙考六十卷女淑媛亦善畫繪鏡軒讀畫記云司寇畫予僅見水仙一幅自題係臨明伎薛五娘者至所纂之書畫彙考一書爲賞鑑家瓌寶而傳本甚希同時宋商邱亦工

繪事精鑑賞與司寇齊名曾著有翰墨緣一書八旗畫錄

唐英 字俊公一字叔子晚號蝸寄老人瀋陽人隸漢軍正白旗官內務府員外郎兼佐領歷充淮關九江關粵海關監督工宋人山水人物能畫曾主窯事製器甚精世稱唐窯嘗親製書畫詩付窯陶成屏對尤為奇絕繪鏡軒讀畫記云其畫無體不工兼擅分隸書生平遭遇及才藝皆略似劉伴阮而既富且壽又有賢子則非伴阮所能及也八旗畫錄 清史藝術傳

年王臣 字汝都廣寧人隸漢軍鑲黃旗墨香居墨識云家本勳業儼居邗上時忍飢僵餓未嘗有所干謁其作畫亦惟二三知己互相磅礴尤不可以貨取生平雅慕雲林故落筆輒似之亦能詩嘗寫枯木竹石贈黃煦堂上題一絕云幾度行吟問水濱

奉天通志 卷二百十四清 人物四十二 藝術 七

西風回首總無因年來筆墨皆拘束只寫溪山懶畫人山水中不著人亦雲林家法也八旗畫錄

年英 字武山廣寧人工白描寫水仙法趙子固八旗畫錄

于宗瑛 字英玉號紫亭漢軍鑲紅旗人乾隆十九年進士官江南道監察御史山水得清閼三昧間作寫意人物及花卉禽蟲頗有天趣書學平原兼以蘇米八旗畫錄

董茂泰 鐵嶺人工人物以菩提沙一葉寫十六應真像乾隆間

進御八旗畫錄

楚裳 號百泉其先鐵嶺人因官濟寧遂家焉畫山水入神品

曹霑 號雪芹宜從孫工詩畫著有紅樓夢說部稱古今平誌第一嘉慶時漢軍高進士鶚酷嗜此書續作四十卷附於後自號

爲紅樓外史宗室敦敏贈詩云尋詩人去留僧壁賣畫錢來付

酒家差可想見其高致云

畫八旗錄

甘士調 鐵嶺人官同知李果在亭叢稿云善指畫

畫八旗錄

劉淳 字叔和號虛白鐵嶺人隸漢軍旗初爲諸生由武生歷雲

麾使兼佐領飛鴻堂印人傳云公退惟作畫賦詩兼究心篆籀

摹印可方駕丁龍泓且善琢硯後以督造金器虧缺致遭城旦

通州杜門粹掌錄筆更神妙詩文亦豪放畫愈奇逸天殆玉成

之也

畫八旗錄

楊銓 號念園鐵嶺人隸漢軍正紅旗繪鏡軒讀畫記云善畫馬

張溫和公小重山館集中有詩

畫八旗錄

楊書績 號呆樓鐵嶺人隸漢軍正紅旗嘉慶八年舉人

按嘉慶八年無

奉天通志 卷二百十四

人物四十二 藝術 清

八

鄉試官雲南恩安知縣工書畫善以意創爲箸畫濡紙稍溼蘸

墨於箸任意揮灑雲煙滅沒有大小米之槩人爭寶之

畫八旗錄

秀琨 字子璞漢軍人姓馮氏英廉之孫先世嘉興人徙山東後

遷遼東秀琨咸豐初以郡丞需次粵東工畫山水兼擅花卉名

重一時

談藝錄

關岱 字曉巖隸錫伯鑲白旗籍遠祖齊力初居長白山從清太

祖征葉赫以功授世襲雲騎尉乃徙家承德西四十里三家子

村世力農岱改習儒業性坦率事親以孝聞父明壽八十卒岱

哀毀骨立居喪不肉食葬後盡三年禮岱少時讀書醫巫閭山

佛寺有異僧授以丹青術遂擅人物工筆知名於世所寫關帝

像毛髮生動人競求之晚年自號長白山人卒年七十有八子

豐年徵訪

張九思 綏中人好讀書不求仕進工書法仿董文敏尤善畫山

水澹遠有神縣綏中志

戴梓 字文開鐵嶺人原籍浙江錢塘少有機悟自製火器能擊百步康熙初康親王南征梓獻連珠火銃法下江南有功授道員師還聖祖召見試春日早朝詩稱旨授翰林院侍講入直南書房尋改直養心殿梓通天文算法預纂修律呂正義與南懷仁及諸西洋人論不合成忌之以蜚語褫職徙關東後赦還家留於鐵嶺遂隸籍所造聯珠銃與西洋機關槍合西洋人貢蟠腸鳥槍梓奉命仿造以十槍賚其使臣又奉命造子母礮如西洋炸礮聖祖臨視錫名爲威遠將軍親征噶爾丹用以破敵清史

奉天通志

卷二百十四

清 人物四十二 藝術

九

藝術傳

顧琮 字用方滿洲人官吏部尙書雍正八年六月朔日食第谷舊法微有差以監臣戴進賢所用新法較之纖微密合世宗命進賢修日躔月離二表續於考成曆象考成之後有表無說亦無推算之法琮恐久而失傳乾隆二年奏請以梅穀成爲總裁何國宗爲總副同進賢增修表解圖說其法以雍正癸卯冬至後一日爲元上同

日爲元

明安圖 字靜菴蒙古正白旗生員欽天監監正受數學於聖祖仁皇帝故其所學精奧異人曾預修御定考成後編御定儀象考成因西士杜德美用連比例演周徑密率及正絃正矢之法知其深藏不可不求甚解積精思三十餘年著割圓密率捷法

四卷 傳人

明新 字景臻安圖之季子習父業充食俸官生時安圖病且革以所著割圓捷法授之新遵父命與門下士共續成之續疇人傳著者羅士琳論其媿美北齊祖沖之父子其術與綴數之理同而精捷過之稱爲明氏新術云 傳人

博啓 字繪亭滿洲正白旗人乾隆中官欽天監副管因勾股和較之術前人論之極詳獨勾股形中所容之方邊員徑垂線三事尙缺而未備爰以三事分配和較創法六十惜書未刊法不傳今所傳者惟有方邊及垂綫求勾股弦一題法用平行線剖容方冪爲四小勾股形借垂綫爲小勾股和借方邊爲小弦求小勾小股以小股與垂線比若方邊與勾比以小勾與垂線比

奉天通志

卷二百十四

人物四十二 藝術

十

若方邊與弦比道光初方履亨官監正每舉此題課士其後得甘泉羅士琳力爲表章博術乃復明于世云 清史傳一

年希堯 字允恭廣寧人隸漢軍鑲黃旗以西人測算法切要者摘錄刊布一曰測算刀圭一曰三角法摘要一曰八綫眞數表一曰八綫假數表又有面體比例便覽一卷對數表一卷對數廣運一卷 傳人

張恆春 字香風錦西人天資穎悟讀書日十行下道光時入錦縣學年二十領鄉薦精於天文曆算藝術奇門等書自製渾天儀一具爲錦縣令周良卿攜之而南頗獎譽之再製未就以會試卒於京師年僅二十有六其居恆占算未來占遺失物皆奇中相傳其有奇門眞傳一書研究有得及卒其妻焚之 錦西縣志

綽爾濟 墨爾根氏蒙古人天命中率先歸附善醫傷時正白旗
先鋒鄂碩與敵戰中矢垂斃綽爾濟爲拔鏃傅良藥傷尋愈都
統武拜身被三十餘矢昏絕綽爾濟令剖白駝腹置武拜其中
遂甦有患臂屈不伸者令先以熱鑊熏蒸然後斧椎其骨揉之
有聲卽愈人比之華陀云清史藝傳一

覺羅伊桑阿 乾隆中以正骨起家其授徒法削筆管爲數段包
以紙摩挲之使其節節皆接合如未斷者然乃如法接骨皆效
故事選上三旗士卒之明骨法者每旗十人隸上駟院名蒙古
醫士凡禁庭執事人有跌損者命醫治限日報痊逾期則懲治
之時有祕方能立奏效伊桑阿名最著清史藝傳一

魯瑞 錦西人乾隆時以醫術名其治療法不徒恃飲片或談言
奉天通志 卷二百十四人物四十二 藝術 十一

微中或創立奇方應驗如神故號爲半仙云瑞嘗出行遇數人
耘田其一人詭言得疾反側隴畔浼瑞就視之瑞曰食甫畢而
伏地輾轉腸已斷矣死將至須臾果氣絕其奇異類如此至今
猶傳爲奇談焉年七十六卒錦西縣志

王思泰 字畏三錦西人道光時任太醫院吏目精研醫理別具
會心著有傷寒試驗經風行一世其立方不拘成法隨病加減
多奇效孫鳳儀傳其衣鉢亦以醫術聞錦西縣志

蔡長恩 字雨潤錦西人家世業醫遞傳至長恩造詣尤深精鍼
灸善治傷寒證立方不拘於書而多著奇效復工拳術至老彌
健卒年七十有六錦西縣志

李國泰 字化隆錦縣國學生自其祖父以瘍醫施術從不市藥

牟利父俊芳尤以術名於時國泰習爲庭訓於術尤深又工書繪精音律其治瘡疔蓄祕方患者敷藥從無呻楚之苦於小兒尤宜弟國安子永春永年皆以醫術佐國泰之不暇邑有施引牛痘局國泰與同志發起國安永年繼之至今奉行罔替云

志

錦縣

和素 撰琴譜合璧十八卷取明楊倫太古遺音譯以國書使明人舊笈轉賴此帙以傳亦操縵家特創之製爲古所未有者矣

八旗通志 耆獻類徵

陳良玉 字朗山鐵嶺人隸漢軍鑲白旗道光十七年舉人候選

教育精楷法出歐虞詩畫亦絕工

八旗通志

朱自揚 字海亭錦縣人嘉慶原作道光誤癸酉拔貢書法宗二王

奉天通志 卷二百十四 清 人物四十二 藝術

十一

能得其神似大楷筆力峭若危峰堅能屈鐵又似顏柳篇幅愈大臂力愈雄尤能一氣貫注到底不懈得其墨蹟者日久倍珍焉

錦縣志

郭廷禧 字馨宜漢軍旗人錦縣附貢生書法趙松雪兼李北海之適媚其實胎息十七帖耳臨池家得其片紙隻字爭寶貴之

錦縣志

蔡登瀛 字仙舫錦縣人恩貢生性孝友年逾冠游庠有聲巽序家居授徒以明經老晚銓州判未就任乃究心九宮三式叢辰之術於青烏一書尤有心得間爲人指示吉壤凡沙水悉合古法其占星命殆近精義入神當其需次保陽寅好多就詹驗同鄉李制軍秉衡時僑居完縣充緒癸巳夏公子某私以制軍出

處卜之決以歲律再更必召用公以撫軍但海疆有警勞苦功高縱登制府恐不能終其位然忠愛大節宇宙名垂可預卜也自甲午至庚子果驗其他如當代名公鉅卿按其造命以定高騫皆歷歷不爽

錦縣志

矯晨熺 字子陽海城人原籍山東黃縣曾祖鈞璧刑科給事中祖玉聖拔貢生始遷縣境父一桂業儒晨熺少孤事母孝初習帖括既而厭棄之凡天文地理及醫卜星相諸書無不窺其奧祕尤邃於易以下隱於市推測多奇中日得千錢足自給卽閉肆讀書年六十五卒著奇門括囊集等書

海城縣志

孫桂堯 字相如桓仁人精於柔術善拳腳且有內部運氣工夫其眉采若油而光黑如漆在縣城立有武術體育會以授徒附

奉天通志

卷二百十四

清 人物四十二 藝術

十三

有高小學校入校者頗踴躍焉

桓仁縣志



奉天通志卷二百十五

人物四十三列女

列女一 前燕至明

古之帝王為維持名教扶植綱常起見於是有旌表節孝貞烈之典意至善也奉天視內地開化較晚而其人民負北方剛義之氣性情古樸尙未染於浮靡故此邦之婦女雖未讀書習禮亦以失節為重辱意者遠被箕子八條之教近接鄒魯之文明積漸而成俗歟歷觀前志所載及近世榮膺褒彰之人其中艱苦備嘗之死靡他者後先相望何其盛也至若委巷孤嫠里不登而史不採汝汝焉以澌滅且不知凡幾惜哉嗟乎觀於此而死生盛衰頓改其節者其亦可以少愧矣茲編所列節孝謹以先後為次其他貞烈奉天通志 卷二百十五 人物四十三列女一

賢淑亦附入焉述列女

前燕

文明段氏

景昭可足渾氏

段氏號后鮮卑人本單于段國之女

也初進為夫人號即王位册拜為后及僞稱尊追諡文明皇后可足渾氏僞后暉尊為皇太后頗預朝政與太傅評密謀誅垂垂奔俄而后卒追諡景昭

十六國春秋

先段氏

後段氏

段氏垂后鮮卑人先段氏段末杯之女才高性

烈為太后可足渾氏誣死於獄後段氏段儀之女太子寶立以氏常謂寶不能嗣守大業逼令自殺

十六國春秋

慕容氏

南燕主德之女封平原公主適段豐豐被殺德命改適

壽光公餘熾氏曰宗臣不事二君貞女不事二夫段氏既遭無



辜恨不能同死今主上不顧禮義嫁我若不從則違嚴君之命

於是密書其裙帶曰死當埋我於段氏墓側尅日交禮至夕遂

自縊而死

志遼略海

後魏

慕容氏 前燕主皝之女昭成帝立為后生獻明帝后性聰敏多

智沈厚決斷專理內政初昭成遣衛辰兄悉勿祈還后戒之曰

汝還必防衛辰姦猾終當滅汝悉勿祈死其子果為衛辰所

滅

志遼略海

常氏 遼西人太延中世祖選乳高宗慈和履順有劬勞保護之

功高宗即位尊為保太后

志遼略海

高潛妻 沮渠牧犍女封武威公主生子崇初崇舅氏坐事誅公

奉天通志

卷二百十五

人物四十三列女一

二

主痛本生絕嗣以崇繼牧犍後改姓沮渠景明初啓復本姓以

崇子謹之為沮渠氏後

書魏

高謙之妻中山張氏 明識婦人也教勸諸子從師受業常誡之

曰自我為汝家婦未見汝父一日不讀書汝等宜各修勤勿替

先業

書魏

唐

李光進母李氏 有鬚數十長五寸許封韓國太夫人二子節制

皆一品光進兄光弼雖異母亦孝悌甲第並開往來極一時之

樂卒葬長安南原將相奠凡四十四幄時以為榮

書唐

李惟簡母鄭氏 成德節度使寶臣之妻寶臣死嫡子惟岳叛惟

簡奉母至京師朱泚之亂帝出奉天惟簡將赴難謀於鄭鄭曰

爾父立功河朔位宰相身未嘗至京師兄死人手爾入朝未識天子不能効忠吾不子汝矣督其行曰爾能死王事吾不朽矣乃斬關出七戰得及行在帝見厚撫之曰爾有母乃能從朕耶對曰臣誓以死

唐書

李謹行妻劉氏 靺鞨人高宗時謹行擊高麗於發盧河西破之劉氏留伐努城賊攻之劉擐甲勒兵以守賊引去以功封燕國

夫人

盛京通志

遼

邢簡妻陳氏 營州人甫笄涉通經義尤好吟誦時以女秀才名之年二十歸簡孝事舅姑閨門和睦生六子親教以經二子抱樸抱質皆以賢能致位宰相陳氏卒贈魯國夫人

盛京通志

奉天通志

卷二百十五

人物四十三列女一

三

耶律氏 太師舒嚕之妹小字常格操行清潔自矢不嫁能詩文讀通曆見前人得失悉能品藻咸雍時作文述時政上善之耶律伊遜求其詩常格遺以回文伊遜知其諷已銜之太康三年伊遜誣廢太子時舒嚕謫鎮州常格與俱常布衣蔬食人問曰何自苦如此曰皇儲無罪遭廢我輩豈可美食安寢年七十卒於家

蕭氏

小字伊遜國舅駙馬都尉托斯和女

原作蘇翰女

歸耶律努以

孝謹聞初努與樞密使伊遜隙被誣奪爵流烏古部帝以氏爲公主女欲使絕婚氏曰陛下天地之恩然夫婦之義生死以之臨難頓乖綱常與禽獸何異乃與努同行壽隆初召舉家還保大中氏在臨潢謂諸子曰吾度盧彥倫必叛汝輩速避我當死

之賊至遇害

蕭氏 小字額里頁原作國舅博勒之女年十八歸耶律珠展原

者未幾珠展卒既葬謂所親曰妾夫有才不壽天禍妾身復何

倚恃死者可見則相從地下不可見當與俱逝遂自刃而卒

蕭氏 小字綏蘭及笄歸耶律中天慶中爲賊所執蕭置刃於履誓不受污至夜賊遁得免久之帝召中爲五院都監中謂妻曰吾本無宦情今當以死報國汝能從我乎蕭氏曰謹奉教及金兵徇嶺西中守節死蕭氏躍馬突至中所自殺

韓慶民妻某氏 慶民爲宜州節度使金人陷宜州慶民不屈死之以其妻配將士不從遂自殺金世宗讀太宗實錄見慶民夫婦事歎曰如此節操可謂難矣

奉天通志

卷二百十五

人物四十三 列女一

四

金

阿林妻薩勒札 金源郡王尼楚赫之妹也天輔六年黃龍府叛卒攻抄旁近部族時阿林從軍薩勒札集附近男女五百人築柵爲保守計賊千餘來攻薩勒札裹氈爲甲裂裳爲旗男授甲女鼓譟自仗劍督戰三日賊去皇統二年論功封金源郡夫人李寶信妻王氏 寶信爲義豐縣令時張覺以平州叛王氏陷賊中賊欲逼室之憤罵不從賊支解之大定十二年贈貞烈縣君李英妻張氏 英初爲監察御史在中都貞祐元年元兵取濰州入其家張氏盡以財物與之既而令張上馬張氏曰我盡以財物與汝猶不見贖耶曰汝品官妻當復爲夫人張氏曰我死則爲李氏鬼頓坐不起遂自殺諡莊潔